

Komisija za prodaju putničkih motornih vozila putem postupka javne licitacije, na osnovu člana 3. Odluke o imenovanju Komisije broj:303-02/19 od dana 14.10.2019.godine, pripremila je Pravila o postupku sprovođenja javnog nadmetanja – LICITACIJE.

PRAVILA JAVNOG NADMETANJA – LICITACIJE
Za prodaju vozila M1 putnički automobil marke MITSUBISHI

Član 1.

Ovim Pravilima propisuje se organizacija i postupak provođenja javne licitacije (u daljem tekstu Pravila) za prodaju vozila koje je u vlasništvu JP „RTV Bihać“ d.o.o. Bihać u skladu sa Odlukom o provođenju postupka javnog nadmetanja - LICITACIJE broj:292-02/19

- Motorno vozilo- M1 putnički automobil marke MITSUBISHI,
- tip: **PAJERO - TERENSKO**,
- boja: **BIJELA**,
- broj sjedišta: **9**
- broj šasije: **JMYHNV360WJ000770**,
- broj motora: **4M40CL4188**,
- godina proizvodnje **1998**,
- vrsta goriva: **DIZEL**,
- snaga motora: **71 KW**,
- radni obim motora: **2835 cm3**,
- pređenih kilometra **284.713km**,
- registrski broj: **VOZILO ODJAVLJENO 09.04.2013.god** - nije u voznom stanju
- početna prodajna cijena **1.500,00 KM**.

Član 2.

Prodaja vozila navedenog u članu 1. ovih Pravila provest će postupkom licitacije, i to objavom oglasa za javno nadmetanje - licitaciju u sredstvima javnog informisanja, odnosno u programu Radio Bihaća i na web stranici JP „RTV Bihać“ d.o.o. Bihać (www.radiobihac.com)

Prodaja vozila izvršit će se postupkom javne prodaje javnog nadmetanja, metodom prikupljanja pismenih ponuda i izborom najpovoljnijeg ponuđača za kupovinu motornog vozila.

Član 3.

Cijena za vozilo navedeno u članu 1. Pravila utvrđena je u skladu sa članom 3. stav (1) i (2) Odluke o imenovanju komisije za provođenje postupkaprodaje stalnih sredstava PMV Mitsubishi postupkom licitacije broj:303-02/19 koja glasi:

„Komisija je dužna utvrditi početnu prodajnu cijenu vozila, a istu će utvrditi na osnovu istraživanja tržišta, upoređivanjem cijene vozila istih karakteristika na internet stranicama za prodaju npr: www.olx.ba/vozila isl.

JP „RTV BIHAĆ“ d.o.o. Bihać, Krupska bb, Bihać, Tel/fax:037/223-770, rtv.bi@bih.net.ba, www.radiobihac.com

Prilikom utvrđivanja početne cijene komisija treba da, pored cijene utvrđene istraživanjem tržišta, cijeni faktičko stanje motornog vozila, te da na osnovu svih parametara utvrdi početnu prodajnu cijenu.

Član 4.

Postupak licitacije provodi Komisija za prodaju putničkog motornog vozila (Komisija) imenovana Odlukom broj:303-02/19.

Članovi Komisije dužni su prijaviti svaki sukob interesa tokom provođenja postupka javne licitacije.

Postupak sprovođenja javnog nadmetanja – licitacije vodi predsjednik Komisije.

Administrativno - tehničke poslove za potrebe Komisije obavlja sekretar.

Član 5.

Pravo učešća u postupku javnog nadmetanja – licitacije imaju sva pravna i fizička lica.

Svi učesnici u postupku javne prodaje dužni su kao sredstvo obezbjeđenja za ozbiljnost ponude uplatiti depozit u iznosu od 10% od početne prodajne cijene na račun JP „RTV Bihać“ d.o.o. Bihać otvoren kod BBI Banke broj: 1414010000796626, **svrha doznake:** uplata depozita za učešće u postupku licitacije (odnosi se na pravna i fizička lica).

Povrat uplaćenih sredstava koji su ponuđači uplatili na ime depozita izvršit će se na tekući/transakcioni račun ponuđača, osim onom ponuđaču koji je izabran kao najpovoljniji kojem će se ukupna obaveza plaćanja ugovorene prodajne cijene umanjiti za iznos uplaćenog depozita.

Zaposleni u JP „RTV Bihać“ d.o.o. Bihać kao i članovi njihove uže porodice nemaju pravo učešća u postupku licitacije.

Član 6.

Postupak licitacije obuhvata:

1. pripremu licitacije
2. registraciju učesnika,
3. otvaranje ponuda,
4. javno nadmetanje i proglašenje pobjednika licitacije,
5. provođenje aktivnosti nakon sprovedene licitacije (potpisivanje zapisnika o postupku licitacije od učesnika postupka, komisije, sekretara, zapisničara, izrada prijedloga kupoprodajnog ugovora, predaja vozila kupcu).

Član 7.

Nakon što direktor JP „RTV Bihać“ d.o.o. Bihać da saglasnost na ova Pravila, Komisija će sačiniti javni oglas o prodaji vozila iz člana 1. ovih Pravila postupkom licitacije koji će objaviti na internet stranici Preduzeća (www.radiobihac.com) i u programu Radio – Bihaća.

Izvod iz oglasa (skraćena verzija) čitat će se u programu Radio – Bihaća u periodu od 3 (tri) dana po 3 (tri) puta dnevno, od dana objave Oglasa na internet stranici Preduzeća.

Član 8.

Javni oglas treba da sadrži:

1. Podatke o Preduzeću (adresa, telefon, fax isl),
2. Tehničku specifikaciju predmeta prodaje,
3. Mjesto i vrijeme za pregled predmeta prodaje kao i kontakt osobu koja je zadužena za pruženje informacija vezanih za prodaju,
4. Početnu cijenu predmeta prodaje izraženu u konvertibilnim markama,
5. Iznos depozita za učešće u licitaciji, kao i način uplate istog,
6. Rok i način podnošenja ponuda,
7. Mjesto, datum i sat početka održavanja licitacije.

Član 9.

Ponude, se dostavljaju u zatvorenoj koverti sa naznakom „ **NE OTVARAJ** - Ponuda za učešće u postupku prodaje putničkog motornog vozila putem licitacije“

Ponuda se dostavlja na propisanom obrascu koji se može preuzeti na web stranici Preduzeća (www.radiobihac.com), ili u Preduzeću kod kontakt osobe za ovu prodaju.

Ponuda se može predati lično na na protokol Preduzeća Krupska bb, 77000 Bihać, ili preporučeno putem pošte na adresu JP „RTV Bihać“ d.o.o. Bihać, Krupska bb 77000 Bihać.

Rok za dostavu ponuda je 5(pet) dana od dana objavljivanja javnog oglasa u sredstvima informisanja, odnosno od 18.11.2019.godine do 22.11.2019.godine do 11:00 sati.

Sve ponude koje nisu dostavljene na propisanom obrascu kao i ponude koje pristignu na adresu Preduzeća nakon 22.11.2019.godine (11:00 sati), neće biti uzete u razmatranje.

Javno otvaranje ponuda održat će se dana 22.11.2019.godine u 11:15 sati.

Kriterij za odabir najbolje ponude je naviša cijena.

Otvaranju ponuda mogu prisustvovati ponuđači, odnosno fizička lica lično ili po punomoćniku i ovlaštena osoba koja zastupa pravno lice ili punomoćnik za učešće u postupku licitacije.

Član 10.

Ponuda mora biti dostavljena na propisanom obrascu i treba da sadrži:

1. Ime, prezime, ime jednog roditelja, adresu, broj telefona, broj žiro računa i kopiju lične karte (ako je ponuđač fizičko lice),
2. Naziv pravnog lica, adresu i broj telefona, kopiju ID i PDV broja (ako su PDV obveznici), kopiju Rješenja o registraciji, broj žiro računa kopiju lične karte lica ovlaštenog za zastupanje, a ako prisustvuje otvaranju kao punomoćnik pravnog lica za postupak licitacije onda i punomoć za zastupanje (ako je ponuđač pravno lice),

3. Dokaz o uplati depozita,
4. Potpis podnosioca, a ako je ponuđač pravno lice pored potpisa lica ovlaštenog za zastupanje treba da bude i ovjerena pečatom pravnog lica.

Član 11.

1. Licitacija započinje registracijom kandidata, koja podrazumjeva provjeru identiteta podnosioca ponude, zakonskog zastupnika ili punomoćnika.
2. Predsjednik Komisije upoznaje registrovane kandidate iz stava (1) ovog člana sa pravilima licitacije i daje mogućnost učesnicima da postave pitanja u vezi sa postupkom nadmetanja (provođenja licitacije), nakon čega Komisija daje odgovore na pitanja,
3. Predsjednik komisije, nakon toga, pristupa otvaranju prispjelih ponuda, a sadržaj istih se unosi na listu ponuđača.
Lista ponuđača mora da sadrži: naziv ponuđača, ponuđeni iznos za kupovinu vozila, konstataciju da li je uplaćen depozit i konstataciju da li je ponuda prihvatljiva,
4. Prihvatljivom Ponudom se smatra ponuda koja sadrži sve podatke navedene u članu 10. ovih Pravila i čiji iznos ponude je jednak ili veći od procjenjene vrijednosti vozila,
5. Ponude koje ne sadrže sve što je navedeno u članu 10. ovih Pravila neće biti uzete u dalje razmatranje,
6. Komisija, nakon razmatranja liste ponuđača, utvrđuje najvišu cijenu ponude za predmet licitacije o čemu usmeno obavještava sve prisutne ponuđače. Predsjednik Komisije proglašava pobjednika licitacije, onog ponuđača koji je ponudio najvišu cijenu,
7. Licitacija će biti punovažna i u slučaju da ponudu dostvi samo jedan ponuđač,
8. Ako se na poziv za postupak licitacije prijavi samo jedan ponuđač sa ponudom koja je prihvatljiva, Komisija će ga proglasiti pobjednikom licitacije,
9. Ako se prijave dva ili više ponuđača sa sa prihvatljivom ponudom i istom cijenom, koja je ujedno i najviša cijena ponude, predsjednik Komisije za te ponuđače otvara usmeno javno nadmetanje.usmeno javno nadmetanje se provodi na način da je najmanji iznos povećanja ponude 100,00 KM, a vremenski razmak izjašnjenja za povećanje ponude ne može trajati više od 1 minute.
10. Pobjednik usmenog javnog nadmetanja biće ponuđač koji je u postupku javnog nadmetanja ponudio najveći iznos.
11. Nakon što predsjednik Komisije proglasi pobjednika kontatiraće na zapisnika da je postupak licitacije okončan i to prodajom vozila najpovoljnijem ponuđaču, i imenovati ga, nakon čega zapisnik potpisuju svi članovi komisije, najpovoljniji ponuđač i ostali učesnici licitacije,
12. Komisija će obavjestiti direktora o provedenom postupku licitacije i dostaviti mu zapisnik o postupku licitacije na uvid,
13. Nakon završene licitacije sačinit će se kupoprodajni ugovor sa kupcem, kojim će se definisati uslovi i način isplate i preuzimanja automobila,

Član 12.

Ukoliko se na Javni poziv za postupak licitacije ne pristigne niti jedna ponuda, Komisija je dužna o istom sačiniti zapisnik i dostaviti ga direktoru Preduzeća, radi donošenje odluke o daljem postupku.

JP "RTV BIHAĆ" d.o.o. Bihać, Krupska bb, Bihać, Tel/fax:037/223-770, rtv.bi@bih.net.ba, www.radiobihac.com
U situaciji navedenoj u stavu (1) ovog člana može se raspisati novi javni poziv za prodaju vozila, s tim da početna prodajna cijena vozila u ponovljenom postupku licitacije može biti umanjena za 10 % u odnosu na početnu cijenu za vozilu u neuspjeloj prodaji.

Član 13.

Predsjednik Komisije brine o održavanju reda i neometanom odvijanju postupka licitacije, te osigurava jednak tretman prema svim učesnicima licitacije.

Učesnici u postupku licitacije dužni su se ponašati u skladu sa pozitivnim pravilima ponašanja, i pri tom izbjegavati narušavanje reda i mira u postupku licitacije.

Predsjednik Komisije, uz saglasnost ostalih članova Komisije, ima pravo da udalji učesnika licitacije koji se ne pridržava pravila postupka.

Član 14.

Svi učesnici postupka licitacije imaju pravo na podnošenje prigovora zbog povreda postupka licitacije.

Prigovor se podnosi Komisiji, pismeno ili usmeno na zapisnik.

Po podnesenom prigovoru, Komisija prekida sa radom i povlači se u posebnu prostoriju radi donošenja odluke po prigovoru.

Odluka se donosi većinom glasova, prvo glasaju članovi, a predsjednik Komisije glasa zadnji.

Odluku o prigovoru predsjednik Komisije konstatuje na zapisnik, i nastavlja sa postupkom, a nezadovoljna strana može se žaliti na odluku direktoru Preduzeća.

Žalba ne odlaže dalji postupak licitacije.

Član 15.

Učesnici licitacije imaju pravo uvida u dokumentaciju nastalu u postupku licitacije, u skladu sa Zakonom o slobodi pristupa informacijama u Bosni i Hercegovini („Službeni glasnik BiH“ broj 28/00, 45/06, 102/09,62/11).

Član 16.

Učesnicima u postupku licitacije, čije ponude ne budu prihvaćene, biće vraćen depozit koji je uplaćen na ime učešća u postupku licitacije.

Depozit će biti vraćen na žiro račun naveden o ponudi, narednog dana od dana završene licitacije.

Pobjedniku licitacije uplaćeni depozit se neće vraćati, već će se isti uračunati u ponuđenu cijenu prilikom uplate.

Član 17.

Ponudaču čija ponuda bude prihvaćena, u roku od 3 (tri) dana od dana okončanog postupka licitacije Preduzeće će dostaviti ugovor o kupoprodaji radi potpisivanja.

Kupac je dužan da u roku od 2 (dva) dana od dana dostave ugovora, isti potpisati i izvrši uplatu cijene navedene u ugovoru (razliku između prodajne cijene i uplaćenog depozita) na žiro račun Preduzeća.

Sve dodatne troškove nastale nakon provedene javne prodaje, kao i troškove prenosa vlasništva, transporta, PDV-a isl. snosi kupac

Prodaja vozila se vrši po sistemu „viđeno-kupljeno“, bez naknadnih prigovora i žalbi koje se odnose na predmet prodaje.

Kupac je dužan odmah po uplati preuzeti vozilo.

Ukoliko kupac ne dostavi potpisan ugovor o kupoprodaji u roku od 2 (dva) dana od dana dostave ugovora, ili ne izvrši uplatu ugovorene cijene smatrat će se da je odustao od kupovine, u kojem slučaju prodavac zadržava uplaćeni depozit.

Komisija u slučaju navedenom u stavu (6) ovog člana poziva drugorangiranog ponuđača da sa njim potpiše ugovor o kupoprodaji.


Ukoliko je ponuda ponuđača koji je pobijedio u postupku licitacije bila i jedina ponuda u postupku, licitacija će biti proglašena neuspješnom, i postupit će se u skladu sa članom 12. stav (2).

Broj:311-01/19


Bihać, 25.10.2019.godine

KOMISIJA


1. Mirsad Zulić, predsjednik



2. Ramiz Kozlica, član



3. Muhamed Sadiković, član



SAGLSAN
JP „RTV Bihać“ d.o.o. Bihać

Direktor
Edin Zeljković

